

M163B: Predigten, M/G T 36, Basler Fragmente

1r,1 Lieben nu hant ir begigen un- claget dem almechtigen gote . der
 1r,2 suindon . un- der missetete . an die unsanfto leidor dehein menscho
 1r,3 mac leben . Nu ist och billich un- recht . dc ir har viber etlich boiza
 1r,4 inpfant . un- die gerne leistent . alle die hus un- hof hant . also daz
 1r,5 si z vvol geleisten megen . dien geben vvir ze boiza uiber ir suinda . so
 1r,6 si ez erst getovn megen . dc si herbirgen ein durftigen . dc och si got
 herberge
 1r,7 in sineme riche . Die des nievven megen getovn . die geben ir almoisena
 1r,8 dur unsers herren minna . die des selben niene han . die sprechen
 1r,9 ir paternost' . dur die selcheit ir libes . un- ir sela . un- viber die not der
 1r,10 heiligen cristenheit . Die des nievven chuinnen . die bitten mit dien
 1r,11 vvorten so si chunnin . daz si got begnade . nach siner goiti . un- na ir
 notduirften .
 1r,12 Der aber dirre ieliches . ez si dvi herbirga . old dui almoisena . old
 1r,13 dc gebet . dur unsers herren minna . un- dur sin selbes selcheit vvil gemeron
 .
 1r,14 daz raten vvir imo . un- geben z imo ze bovza uber sin suinda
 1r,15 Na dirre bovza . so bitten vvir . un- tovn allen dien die ir suinda ruivvont
 1r,16 un- si gerno mit gottes helfa har na uermident . antlaz uiber ir suinda
 1r,17 uon dem almechtigen gote . uon sant petre . uon allen gottes heiligon
 1r,18 un- uon priest'lichem ampte so vvir haben uon gote . Indulgencia-
 1r,19 et remissionem om-iiu- pc-orum uro-rum spaci- et uera- penitencia- p
 gram-
 1r,20 sci- spc- tribuat uobis opm-s & misericors dn-s Amen . erigite uos .
 1r,21 Antlaz un- gnada aller uvver suindon un- fristrechte . un- vvovcherhaft
 1r,22 ruivva . un- ruivvigez herza . mit der gnada des heiligen geistes geb vi
 1r,23 der erbermherzer got Amen . In cena domini .
 1r,24 In dem heiligen evvangelio dc man huto liset an gottes dienste . werden
 1r,25 vvir ermanot der grozun minna die unser herro ih-c xc hata ze
 1r,26 der cristenheit . ez saget uins dc unser herro ih-c . do er gemarterot solte
 1r,27 vverden . uor der dult der ostron . vvan er vvol vvissa die stunda . wen
 1r,28 er uon dirre werlte solte uarn ze sinem uatre . do vvolt er ovgen den
 1r,29 sinen die in der vverlte vvaren als er si minnota die wil er bi inen
 1r,30 vvas dc er si och minnota an sinem ende . do er uon inen scheiden vvolta
 1r,31 un- die minna gesteten vvolta . Do er dvo gemerta mit sinen iungeron . vn-
 1r,32 der tieuel iece hata iuda geraten dc er in uerraten vvolta . vvand er
 1r,33 dc vvol wissa daz dvi stunda naheta dc er uon dirre welte uarn solta
 1r,34 do stovnd er uf uon dem merode un- leita nider sin gevvant . un- nam ein

- 1r,35 tvvellen un- begurte sich der mitte . vn- nam do vvazzer in ein bechi
- 1v,1 vn- begonda sinen iungeron ce tvvanne ir uoizze . un- dar nach ze vvissenne
 1v,2 mit d' tvvellen da mit er vvas begurt . Do er do cham ce sant petre
 1v,3 un- er demo vvolve tvvan . do sprach sant peter . "herro solt du mir min
 uioze
 1v,4 tvvan?" Do sprach unser herro . "La sin peter . daz ich nu tovn des ne vveist
 tv
 1v,5 niet vvaz ich der mitte meine du vweist ez aber har na ." Do sprach sant
 1v,6 peter . "Du ne tvvast mir niemer mine uoize ." Des antvvurt imo unser
 herro
 1v,7 un- sprach . "Tvvan ich dich nievvet so ne hast u mit mir niet ze schaffenne"
 1v,8 Do dc horta sant peter . do erluft er un- sprach . "herro tvvach mir niet
 1v,9 einic die uoize . tvvach mir zov dien uoizen min hende un- min hovbet ."
 1v,10 Do sprach unser herro z imo . "der alle gevveschen ist . der bedarf nievvet
 dc
 1v,11 er vvesche vvan die uoize . wand er ist alle reine . Ir sint och reine . iedoch
 1v,12 alle niet ." Vvan unser herro vvolve vvissa vver der vvas der in uerraten wolta
 1v,13 dar umbe sprach er . "ir sint niet alle reine ." Do er do inen die uoize
 getvvoic
 1v,14 un- er sin gevvant vvider an sich genam . un- er sich nider zovz inen sazta
 1v,15 do sprach er aber z inen . "Vvizont ir nu vvaz ich uch han getan . Ir heizent
 1v,16 mich meister un- herro . un- sagent vvola vvan ich bin ez . Von dvi sit ich
 1v,17 uiwer herro un- uivver meister bin . un- ich habe uivver uoize getvvagen
 1v,18 so sullent och ir billichio einandren die uoize tvvan . Dar umbe" sprach er
 1v,19 "han ich uch diz z einem bilde gegeben dc ir also einandren tovient als
 1v,20 ich uich han getan ." Diz sint dvi vvort des heiligen evva-gelii . un- sint
 uins
 1v,21 harto ce merchenne . vvan an disem evva-gelio so hat uins gelert unser
 herro
 1v,22 uolleclicho . vvie vvir sullen vvid'cheren ze gottes riche . dannan uz vvir
 1v,23 vvaren uerstozen mit des tieuels rate . dc sullen vvir mit d' minna .
 1v,24 un- mit d' diemoiti . un- mit d' gehorsami . Mit d' minna sullen wir des
 1v,25 almechtigen gottes riche gevvinen . quia sine caritate nemo
 1v,26 saluabit . an die minna so ne mac nieman behalten vverden .
 1v,27 vvand minna ist ein movter aller tugendon . Der die minne hat . der
 1v,28 hat die diemoiti . Der die diemoiti hat . d' hat die gehorsami . vn- vverdent
 .
 1v,29 uon d' minna die tugende alle erborn . als uon einer movt' ein
 1v,30 tochter . uon d' tocht' ein andrui tochter . also vvirt uon d' minna . dvi d'
 1v,31 erste tugendon ist allererstui movter . ein tugend geborn
 1v,32 uon d' ein andrui . un- aber uon dere ein andrui . Der aber der minna
 1v,33 nievvet ne hat . de movz der and tugendon aller manglon . Von dvi
 1v,34 tet unser herro sinen iungeron do er uon inen scheiden solta . als
 1v,35 die govten vruinda tovt einandren . so si uon einandren scheiden sullen .
 1v,36 so manent si einandre des si vvellent . dc ero nevvedere uergezze [...] [...]
- 2r,1 der uersmeda dirre vverlte . der neheinez ist gebotten . vvan echt geraten

- 2r,2 dc gildet unser herro mit dem cenzecualten lone . so er vvid' chumet an
 2r,3 dem iungestem tage . Daz vvir imo dirre gnadon moizzin vvirdeclichon
 2r,4 gedanchen . un- daz vvir in . un- unsern nesten vverlichon megin minnon
 2r,5 un- dc uins nach imo . un- siner vvunneclicher antsicht . un- nach siner
 seliclicher
- 2r,6 mittevivist moize allezana ameron . des helf er uins dur die goiti
 2r,7 der uins an dem heren cruce chovfti mit sinen tuiren blovte . Ihc xc dn-
 n-r .
- 2r,8 dom- xiiii Cum iret ihc in iherlm transiebat p mediam
 2r,9 samaria- et galileam . Vns seit sant lucas an dem heiligen evva-gelio
 2r,10 so vvir huto lesen . do unser herro na der menscheite hie
 2r,11 n erthriche gienc . un- vvarb . daz er z einem male do er vvolta uarn ze
 2r,12 iherlm . duir zvvo gegen uovr . eina dui hiez Samaria . na einer grozen
 2r,13 stat . dvi dar inne vvas . dui andra hiez galilea . vn- do er in ein chastel
 2r,14 gienc . do luiffen ingegen imo . cen man . miselsuchtige . die stovnden
 2r,15 uerro uon imo . un- hovben uf ir stimma . un- rovfton alsus . "Ihu gebietere
 .
 2r,16 erbarme dich unser ." als er si gesach do sprach er z inen . "Gent
 2r,17 ovgent uich dien evvarthon ." do si ieze giengen . so vvurden si gereinet
 2r,18 vnder disen cenen . so vvas einer . d' ein samaritanus vvas . nievvet
 2r,19 ein iudo . do der gesach . dc er vvas gereinet . so chert er vvid'e . un- lobta
 2r,20 got mit michelr stimma . vn- viel nider an sin anluit . uuir unsers herren
 2r,21 vovze . un- gnadet imo siner govte . die er an imo hata begangen
 2r,22 Do sprach unser herro . "Iro vwaren doch cene die d' sint gereinet
 2r,23 vva sint die nuine . Ero n ist enheine vunden . d' vvid' cherte . un- gote
 2r,24 die goitliche gebe . vvan dirre fromdeli-c ." Sprach och dov z enemo . "Stant
 2r,25 uf un- ganc . vvan dine glovba het dich behalten ." diz ist dc heilig
 evva-geliu- .
- 2r,26 an demo merchen z m erst . dc unser herro . aller der siechon
 2r,27 die er gesunt macheta nie nehein ze dien evvarthon gesanta . vvan
 2r,28 d' miselsuchtigon . Daz tet er n einem teile dur daz . daz die iuden
 2r,29 die sin uareton nievvet ne mechtin gesprechen dc er die e zerstorti
 2r,30 an der e vvas gebotten . an swemo sich dui miselsucht ovgti . daz man
 2r,31 den uuir die evvarthon uovrti . vn- er einvved' na ir urteilde
 2r,32 vvurde behabt uuir siech un- uuir unreine . chem er aber
 2r,33 dar na . uon deheinen gotes gnadon . dc er vvurde gesunt
 2r,34 so vvas daz geboten . dc er sich aber ovgti dien evvarthon . un- er
 2r,35 brehte dc opfer daz imo vvas gesezet . un- si in chuntin gesunt un- reine
 2r,36 Dur diz gebot der e . so hiez er si . daz si sich ovgtin dien evvarthon .
- 2v,1 Tet ez noch dov dur die bezeichnenunga des grozen un- des unreinen
 siechtagen .
- 2v,2 Vvan doch vvir z vvoll megen cheren . ze der bezeichnenunga
 2v,3 der unreinon suindon . mit d' miselsuchte vvirt edoch na d' heiligun
 2v,4 scrifte namlichon gemerchet dui misseuarvvi dero die der sint in der
 unrechtun
- 2v,5 glovba . Vvan als an dien miselsuchtigen ist bi der boisi und der
 2v,6 vuili . etvva gemischelot dui ganza hut . und dui rechte uarvva . als ist an

2v,7 der irreron reda un- lera . bi d' lugi . un- bi der uerleitunga da mit si sint
2v,8 geunreinet . un- och andre gerne unreinent uil goitu . un- uil rechtu lera .
2v,9 Noch n ist nehein groz reda so luglich si ne habe etvvaz vvarheit gemislot
2v,10 under sich . dur dc . daz si mit der vvarheit ir hoirere uerluicche . als mit
dem
2v,11 honege . un- dar na mit der luigi an der sela ertoiden . als mit dem eitere .
2v,12 Dise svva man si rechte irchennet die sol man noch hartor miden . den
2v,13 deheinen misligen . un- also sant paulus chit . noch selp groizzen iene ze
2v,14 govte . als ene vvurden gesunderot . mit der evvarton vrteilde . also sullen
2v,15 och dise vverden gesunderot mit der evvarton . un- mit der pfafheit
2v,16 urteilde . un- uerstozen uon der heiligun cristenheit . Svven aber got dirre
2v,17 mit siner gnada also uerro gevvisot . daz si ir irretag erchennent . und ez
2v,18 vverlichu ruivvont . so sint si uon gote gereinet . noch ne sullen doch und'
2v,19 die heiligun cristenheit niemer chomen . e daz si ir rechtun glovba govgent
2v,20 uor dien evvarton . un- uor der pfafheite . die rechte chunnin instan
2v,21 vib si die miselsucht der unrechtun glovba haben rechte uerlan .
2v,22 Vvande nu dc evvartom der altun e . vuir beceichenota daz evvartom
2v,23 d' nuivvun e . so hiez unser hero die miselsuchtigen . daz si sich dien
evvarton
2v,24 ovgtin . daz er da mit chunt getete . svvenne die irrerra sich ir unglvba
2v,25 vvoltin erlovben . daz si sich . denne dien evvarton un- dien meistern
2v,26 der heiligun cristenheite soltin ovgen . Dise stant uil uero . un- rovffent
2v,27 uil luito . vvan si vvoll vvizen daz si gote mit ir unglvba uil harto
2v,28 sint geuerret . un- mit grozeme rovffe ir herzon sullen sovchen . daz
2v,29 er sich viber si erbarme .